



Yaa Rabbi, qananiin kee baduu irraa, fayyaan geeddaramuu irraa, balaa tasaa fi dallansuu kee hundumaa irraa sitti maganfadhha

Abdullaah bin Umar irraa odeeffame Rabbiin isaan lamaan irraa haa jaallatu akkana jedhe: Du'aa'ii Ergamaa Rabbii keessaa tokko kana ture, nagaa fi rahmanni irra haa jiraatu: «Yaa Rabbi, qananiin kee baduu irraa, fayyaan geeddaramuu irraa, balaa tasaa fi dallansuu kee hundumaa irraa sitti maganfadhha».

[sirrii] [Muslimtu gabaase]

Nabiyyiin -nagaa fi rahmanni irra haa jiraatu- waan afur irraa maganfatan: Inni duraa: (Yaa Rabbi baduu qananiin kee irraa sitti maganfadhha) kan amantii fi kan addunyaa, akkasumas Islaamummaa irratti ragga'ee, dilii qananiin nama irraa ooftu keessatti kufuu irraa fagaachuu si kadhada. Inni lammaffaan: (fayyaan geeddaramuu) gara balaatti ishee jijjiiruu irraa sitti maganfadhha; Fayyaa itti fufiinsa qabuu fi dhukkubbii fi dhukkuboota adda addaa irraa nagaa ta'uu si kadhada. Sadaffaa: (balaa tasaa irraa) dhiphina ykn balaa garagaraa irraa sitti maganfadhha, balaan akkasii sun tasa yoo dhufte, yeroon tawbaa fi sirreeffamaaf qophaa'an hin jiru, haala kanatti immoo balaan sun daran cimaa fi irra hamaa ta'a. Afraffaa: (dallansuu kee hundumaa) fi sababoota dheekkamsa kee fidan irraa sitti maganfadhha; namni ati itti dallante badee hoongahe. Ergamaan -nagaa fi rahmanni irra haa jiraatu- jecha dachaa waa hunda walittii qabatu fayyadaman; jechoota, gochoota fi amantiilee irraa sababoota dheekkamsa Isaa -Inni qulqullaa'e ol ta'e- hunda akka hammatuuf jecha.

<https://sunnah.global/hadeeth/om/show/5488>

